

元

曲

選

第三冊

〔明〕臧晉叔編

元

曲

選

第三冊

中華書局



朱太守風雪漁樵記雜劇

第一折

〔冲末扮王安道上詩云〕一葉扁舟繫柳梢。酒開新瓮鮓開包。自從江上爲漁父。二十年來手不抄。老漢會稽郡人氏。姓王雙名安道。別無甚營生買賣。每日在這曹娥江邊堤岸左側。捕魚爲生。我有兩個兄弟。一個是朱買臣。一個是楊孝先。他兩個每日打柴爲活。我那兄弟朱買臣。有滿腹才學。爭奈文齊福不齊。功名不得到手。在這本處劉二公家爲傭。今日遇着暮冬天道。紛紛揚揚。下着如此般大雪。兩個兄弟山中打柴去了。老漢沽下一壺兒新酒。等兩個兄弟來時。與他盪寒。我且在這避風處等待着。這早晚兩個兄弟敢待來也。〔正末扮朱買臣同外扮楊孝先上〕〔楊孝先云〕哥哥。你看這般大雪呵。怎生打柴。不如回去了罷。〔正末云〕小生是這會稽郡集賢庄人氏。姓朱名買臣。幼年頗習儒業。現今於本庄劉二公家作贅。有妻是劉家女。人見他生得有幾分人才。都喚他做玉天仙。此女頗不賢慧。數次家和小生作鬧。小生只得將就。讓他些罷了。小生在這本庄上。結義了兩個朋友。哥哥是王安道。兄弟是楊孝先。哥哥是個捕魚的漁夫。兄弟楊孝先和小生一般貧窮。爲生。俺弟兄每日在堤圈左側。閒談一會。今日紛紛揚揚。下着如此般大雪。凍的手都僵的。怎生打柴。〔歎科〕〔云〕朱買臣。你如今四十九歲也。功名未遂。看何年是你那發達的時節也呵。〔楊孝先云〕哥哥。想咱每日打柴。幾時是了也。〔正末唱〕

〔仙呂點絳脣〕十載攻書。半生埋沒。學千祿。誤殺我者也之乎。打熬成這一付窮皮骨。

〔混江龍〕老來不遇。枉了也文章滿腹待何如。俺這等謙謙君子。須不比泛泛庸徒。俺也曾盡箇三冬。依雪聚。怕不的鵬程萬里信風扶。〔云〕孔子有言。吾十有五而志於學。三十而立。四十而不惑。五十而知天命。天那天那。〔唱〕我如今空學成這般膽。膽天才。也不索着我無一搭兒安身處。我那功名在翰林院出職。可則剗地

曾我在柴市裏遷除。

〔楊孝先云〕哥哥似俺楊孝先學問不深。這也罷了。哥哥。你今日也寫。明日也寫。做那萬言長策。何等學問。也還不能取其功名。豈非是個天數。〔正末云〕常言道。皇天不負讀書人。天那。我朱買臣這苦可也受的勾了也。〔唱〕

〔油葫蘆〕說甚麼年少今開萬卷餘。每日家長歎吁。想他這陰陽造化果非誣。常言道。是小富由人做。恰人這大富。總是天之數。我空學成七步才。謾長就六尺軀。人都道書中自有千鍾粟。怎生來偏着我風雪混樵漁。

〔天下樂〕我一會家時復挑燈來看古書。我可便躑也跛躑。那官職有也無。一會家受饑寒。便似活地獄。則俺這朱買臣。雖不做真宰輔。〔云〕我雖然不做官。却也和那做官的一般。〔楊孝先云〕哥哥可怎生與做官的一般。〔正末唱〕俺可也伴着他播清名一萬古。

〔楊孝先云〕哥哥說的是。〔正末云〕那江岸邊不是哥哥的漁船。待我叫他一聲。〔做叫科云〕哥哥。〔王安道云〕俺兩個兄弟來了也。快上船來。〔做上船科〕〔王安道云〕你兩個兄弟請坐。老漢沽下一壺兒新酒。等你來盪寒。啖就此處閒攀話咱。〔楊孝先云〕雪大的緊。着哥哥久等也。〔王安道做遞酒科云〕兄弟滿飲一盃。〔正末云〕哥哥先請。〔王安道云〕兄弟請。〔正末做飲酒科〕〔王安道再遞酒科云〕孝先兄弟。滿飲一盃。〔孝先做飲科〕〔王安道云〕兄弟。啖開口輪閒話。我想來這會稽城中。有錢的財主。每不知他怎生受用。兄弟細說一遍。我試聽咱。〔正末云〕哥哥。便好道風雪酒家天。據着哥哥說呵。也有那等受苦的人。據着你兄弟說呵。也有那等受用的人。〔王安道云〕兄弟也。可是那一等人受用。〔正末云〕哥哥且休題別處。則說會稽城中。有那等仕戶財主。每遇着那大熱的時節。他也不受熱。遇着那大冷的時節。他也不受冷。哥哥不信時。聽你兄弟說一遍咱。〔王安道云〕兄弟。你道那財主。每他冬月間不受冷。夏月間不受熱。你說的差了也。可不道冷呵大家冷。熱呵大家熱。偏他怎生受用。你說你說。〔正末唱〕

【村裏牙鼓】他道下着的是國家祥瑞。【帶云】哥哥這雪呵。【唱】則是與那富家每添助。【王安道云】那富貴的人家怎生般受用快活。【正末唱】他向那紅爐的這暖閣。一壁廂添上獸炭。他把那半羔來錢注。【王安道云】紅爐暖閣獸炭銀瓶。飲着半羔美酒。遇着這等大雪。果然是好受用也。【正末云】哥哥他一來可也會受用。第二來又遇着這般好景致。【唱】門外又雪飄飄。耳邊廂風颯颯。把那氈簾來低簌。【王安道云】看這等凜冽寒天。低簌氈簾。半羔美酒正飲中間。還有甚麼人扶持他。【正末唱】一壁廂有各刺刺象板敲。聽波韻悠悠佳入唱。醉了後還只待笑吟吟酒美沽。【王安道云】兄弟這一會兒雪大風緊越冷了也。【正末唱】哎。哥也。他每端的便怎知俺這漁樵每受苦。

【王安道云】兄弟。我想來你學成滿腹文章。受如此窮暴幾時是你那發達的時節也。【正末唱】

【元和令】總饒你似馬相如。賦子虛。怎比的他石崇家誇金谷。【王安道云】那有錢的怎如你這有學的好也。【正末唱】豈不聞冰炭不同爐。也似咱賢愚不並居。【王安道云】兄弟。我見這會稽城市中的人。有穿着那寬衫大袖的喬文假醋。詩云子曰。可不知他讀書也不會。【正末唱】他則待人前賣弄些好粧梳。扮一個義冠士大夫。

【王安道云】似他這等奢華受用。假扮儒士。難道就無有人識破他的。【正末唱】

【上馬嬌】那一等本下愚。假扮做儒。他動不動一剎地謊喳呼。見人呵。聞言長語三十句。【王安道云】怕不的他外相兒好看。只是那腹中文章須假不得。【正末唱】他虛道是腹隱九經書。

【勝葫蘆】可正是天降人皮包草軀。【王安道云】他也曾看書麼。【正末唱】學料嘴不讀書。他每都道見賢思齊。是說着謬語。那裏也溫良恭儉。【王安道云】那禮節上便不省的。倘遇着人說起詩詞歌賦來。怎生答應。【正末唱】那裏也詩詞歌賦。端的個半星無。【王安道云】兄弟。我今日也捕不的魚。兩個兄弟也打不的柴。咯各自還家去罷。孝先兄弟。你家中借一擔柴。

與你哥哥將的家去。爭奈媳婦兒有些不賢慧，免得他又吵鬧。(正末唱)

【寄生草】見哥哥把那魚船纜凍的我手怎舒。(王安道云)兄弟，好大雪也。(正末唱)正值着揚風攪雪，可便難停住。你待要收綸罷釣還家去，改哥也只怕你披簑頂笠迷歸路。似這等戰欽欽有口不能言。(帶云)看了哥哥和兄弟這個模樣呵，(唱)還說甚這晚來江上堪圖處。

【正末同孝先下】(王安道云)俺兩個兄弟去了也。老漢也撐船還家去罷。(下)(外扮孤領祗從上詩云)寒窗書劍十年客，智勇干戈百戰場。萬里雷霆驅號令，一天星斗煥文章。小官乃大司徒嚴助是也。小官以儒術起家，累蒙擢用。現拜大司徒之職，奉聖人的命，着小官徧巡天下，採訪文學之士。今來到此會稽城外，風又大，雪又緊，左右擺開頭踏，慢慢的行。(應科)(正末同孝先冲上)(祗從做打科云)喂，甚麼人，避路。(孝先下)(孤云)住者。兩個人冲着我馬頭，被祗從人打將一個去了。只有這一個放下他那拘繩匾擔，立在道傍，明明是個打柴的了。怎麼身邊有一本書，想必是個讀書的。我試問他咱。兀那打柴的，大雪之中，因何衝着我馬頭。(正末云)小生是一個貧窮的書生，低着頭迎着風雪，走的快了些，不想誤然間衝着馬頭。望大人則是寬恕咱。(孤云)你既然是讀書之人，為何不進取功名，却在布衣中負薪爲生，莫非差矣。(正末云)大人自古以來，不只是小生一個。多少前賢曾受窘來。(孤云)你看此人貧則貧，攀今覽古，像個有學的。我就問你前賢有那幾個受窘來。你試說一遍。小官拱聽。(正末云)大人不嫌絮煩，聽小生慢慢的說一遍咱。(唱)

【後庭花】想當日傳說會板築。(孤云)傳說板築，殷高宗封爲太宰，還再有誰。(正末唱)更有那倪寬，可便會抱鋤。(孤云)倪寬是我武帝時御史大夫，還再有誰。(正末唱)有一個甯戚會歌牛角。(孤云)甯戚叩角而歌，齊桓公舉爲上卿，還再有誰。(正末唱)有一個韓侯，他也曾去釣魚。(孤云)韓侯就是那三齊王韓信，果然會釣魚來。可再有誰。(正末唱)有一個秦白起，是軍卒。(孤云)那白起是秦將，起于卒伍之中，再呢。(正末唱)有一個凍蘇秦，田無半畝。(孤云)蘇秦後來并相六國，可怎麼凍的他死。再呢。(正末唱)有一個公孫弘，曾牧豬。(孤云)那公孫

弘也是我漢朝的宰相。曾牧豬於東海。再呢。〔正末唱〕有一個灌將軍會販屨。〔孤云〕那灌嬰我只知他販繒。却不知他販屨。〔正末唱〕朱買臣一路數。請相公聽拜覆。

〔青哥兒〕哎。我這裏叮。嚀。叮。嚀。分訴。這都是始貧始富終富。〔帶云〕且休說別的。則這一個古人。堪做小生比喻。〔孤云〕可是那個古人。〔正末唱〕則說那姜子牙正與區區。可比如。他也曾朝歌市裏爲屠。蟠溪水上爲漁。直捱到滿頭霜雪。入旬餘。纔得把文王遇。

〔孤云〕看此人是個飽學的人。賢士。你說了一日。不知你姓甚名誰。〔正末云〕小生姓朱名買臣。〔孤云〕誰是朱買臣。〔正末云〕小生便是。〔孤云〕左右。快接了馬者。我尋賢士覓賢士。爭些兒當面錯過了。久聞賢士大名。如雷灌耳。今日幸遇尊顏。實乃小官萬幸也。〔正末云〕不敢不敢。〔孤云〕賢士。你平日之間。曾做下甚麼功課來。〔正末云〕小生有做下的萬言長策。向在布衣。不能上達。望大人略加斤正咱。〔孤云〕你將來我看。〔做看科云〕嗨。真乃龍蛇之體。金石之句。賢士。我與你將此萬言長策獻與聖人。到來年春榜動。選場開。我舉保你爲官。你意下如何。〔正末云〕若得如此。多謝了大人。〔唱〕

〔賺煞〕一轉眼選場開。發了願來年去。直至那長安帝都。〔孤云〕據憑賢士錦繡文章。何所不至。〔正末唱〕憑着我錦繡也似文章敢應舉。〔孤云〕明年去也是遲了。〔正末云〕大人。你道爲何。這幾年不進取功名來。〔孤云〕這可是爲何。〔正末唱〕也是我不得時。可便韞匱藏諸。我若是釣鰲魚。怕不就壓倒羣儒。〔孤云〕賢士。你若去進取功名。豈在他人之下。〔正末唱〕我看曾天下文人。每那一個不拱手的伏。〔孤云〕請賢士收拾琴劍書箱。來年應舉去也。〔正末云〕大人。別的書生用那琴劍書箱。小生則用着身邊一般兒物件。奪取皇家富貴。〔孤云〕賢士。可那一般兒物件。〔正末唱〕憑着這砍黃桑的巨斧。端的便上青霄獨步。〔云〕別的書生說道月中丹桂。若到的那裏。折得一枝回來。足可了一生之願。不是我朱買臣敢說大言也。〔唱〕落。可便我把那月中仙桂。剷根除。〔下〕

〔孤云〕賢士去了也。小官不敢久停。將此萬言長策。獻與聖人走一遭去。〔詩云〕雖未相逢早識名。爲將長策獻朝廷。賢臣若不遭嚴助。空作樵夫過一生。〔下〕

〔音釋〕 會音桂 僵音姜 沒音暮 祿音路 骨音古 蠶音妬 膽傷佔切 粟須上聲 俵離靴切

獄于句切 颯音薩 鏃蘇上聲 刺音辣 谷音古 長音丈 築音主 卒從蘇切 伏房夫切

第二折

〔外扮劉二公同旦兒扮劉家女上詩云〕段段田苗接遠村。太公庄上戲兒孫。庄農只得鋤鉋力。答賀天公雨露恩。老漢姓劉。排行第二。人口順都喚我做劉二公。嫡親的三口兒家屬。一個婆婆。一個女孩兒。婆婆早年亡逝已過。我這女孩兒生的有幾分顏色。人都喚他做玉天仙。昔年與他招了個女婿。是朱買臣。這廂有滿腹文章。只恨他偃妻靠婦。不肯進取功名。似這般可怎生是好。〔做沉吟科云〕哦。只除非這般孩兒也。你去問朱買臣討一紙兒休書來。〔旦兒云〕這個父親。越老越不曉事了。想着我與他二十年的夫妻。怎生下的問他要索休書。〔劉二公云〕孩兒也。你若討了休書。我揀着那官員士戶財主人家。我別替你招了一個。你若是不討休書。呵。五十黃桑棍。決不饒你。快些去討來。〔下〕〔旦兒做歎科云〕待討休書來。我和朱買臣是二十年的夫妻。待不討來。父親的言語又不敢不依。罷罷罷。我且關上這門。朱買臣敢待來也。〔正末掣鈎繩匾擔上云〕這風雪越下的大了也。天阿你也有那住的時節也呵。〔唱〕

〔正宮端正好〕我則見舞飄飄的大花飛。更那堪這昏慘慘的兀那彤雲靄。恰便似粉粧成殿閣樓臺。有如那擣綿扯絮隨風灑。既不沙却怎生白茫茫的無個邊界。

〔滾繡球〕頭直上亂紛紛雪似篩。耳邊相颯刺刺風又擺。〔帶云〕可端的便這場冷也呵。〔唱〕哎。呦。勿勿勿。暢好是冷的來奇怪。〔帶云〕那天天那。〔唱〕也則是單注着這窮漢。每月值年災。〔帶云〕似這雪呵。〔唱〕則俺那樵夫每怎打柴。便有那漁翁

也索罷了釣臺。〔帶云〕似這雪呵。〔唱〕則問那映雪的書生安在。便是凍蘇秦也。怎生去搨筆巡街。則他這一方市戶有那千家閉。抵多少十謁朱門九不開。〔帶云〕似這雪呵。〔唱〕教我委實難捱。

〔云〕來到門首也。劉家女。開門來。開門來。〔旦兒云〕這喚門的正是俺那窮廝。我不聽的他喚門。萬事罷論。纔聽的他喚門。我這惱就不知那裏來。我開開這門。〔做見便打科云〕窮短命。窮弟子孩兒。你去了。一日光景。打的柴在那裏。〔正末云〕這婦人好無禮也。我是誰。你敢打我。〔唱〕

〔倘秀才〕我纔入門來。你也不分一個皁白。〔旦兒云〕我不敢打你那。〔正末唱〕你向我這凍臉上。不依你怎麼。左摑來。右摑。〔旦兒云〕我打你這一下。有甚麼不緊。〔正末唱〕哎。你個好歹。鬪的婆娘。〔云〕我不敢打你那。〔旦兒云〕你要打我那。你要打。這邊打。那邊打。我舒與你個臉。你打你打。我的兒。只怕你有心沒膽。敢打我也。〔正末唱〕你個好歹。鬪的婆娘。可便忒利害。也只爲那雪壓着我脖項。着這頭難舉。冰結住我髭髯。着這口難開。

〔旦兒云〕誰和你料嘴哩。〔正末唱〕劉家女。你與我討一把兒家火來。

〔旦兒云〕哎呀。連兒盼兒。愁頭哈叭刺。梅鳥嘴。相公來家也。接待相公。打上炭火。釀上那熱酒。着相公盪寒。問我要火。休道無那火。便有那火。我一瓢水潑殺了。便無那水呵。一個屁也迸殺了。可那裏有火來。與你這窮弟子孩兒。〔正末云〕兀那潑婦。你休不知福。〔旦兒云〕甚麼福。是是是。前一幅後一幅。五軍都督府。你老子賣豆腐。你妳妳當轎夫。可是甚麼福。〔正末唱〕

〔滾繡毬〕你每日家橫不拈豎不擡。〔旦兒云〕你將來波。有甚麼大綾大羅。洗白復生高麗。襪絲布。大紅通袖膝襪。仙鶴獅子的胸背。你將來我可不會裁。不會翦。我可不會做。〔正末云〕我雖無那大綾大羅與你。我呵。〔唱〕慣的你千自由百自在。〔旦兒云〕你這般窮。再不着我自在此兒。我少時跟的人走了也。窮短命。窮弟子孩兒。窮醜生。〔正末唱〕我雖受窮呵。我又不曾少人甚麼錢債。〔旦兒云〕你窮再少下人錢債。割了你窮耳朵。剗了你窮眼睛。把你皮也剗了。我兒也。休嚮嘴。晚些下鍋的米也。

沒有哩。〔正末云〕劉家女休，咱家裏雖無那細米呵，你覷去者波。〔唱〕我比別人家長，攢下些乾柴。〔旦兒云〕你看麼？我問他要米，他則把柴來對我，可着我吃那柴，穿那柴，咽那柴，止不過要燒的一把兒柴也那。〔正末唱〕你是個壞人，倫的死像胎。〔旦兒云〕窮短命，窮剝皮，窮割肉，窮斷脊梁肋的。〔正末唱〕你這般毀夫主，暢不該。〔旦兒云〕我兒也，鼓樓房上琉璃瓦，每日風吹日晒，雹子打，見過多少振掣振，倒怕你清風細雨洒，我和你頂磚頭對口詞，我也不怕你。〔正末云〕止不過無錢也囉，你理會的好人家好家法，你這等惡人家惡家法。〔唱〕呸，劉家女休，你怎生只學的這般惡，又白賴。〔旦兒云〕窮弟子，窮短命，一世兒不能勾發跡。〔正末云〕由你罵，由你罵，除了我這個窮字兒。〔唱〕你可便再有甚麼將我來栽排。〔旦兒云〕可也勾了你的了。〔正末云〕留看些熱氣，我且溫肚咱。〔唱〕則不如此，我側坐著土坑，這般頻攙着膝。〔旦兒云〕似這般窮短路，幾時捱的徹也。〔正末云〕這個歹婆娘，害殺人也波。天那天那。〔唱〕他那裏斜倚定門兒，手托著腮，則管哩放你那狂乖。

〔旦兒云〕朱買臣，巧言不如直道，買馬也索糶料，耳簷兒當不的胡帽，牆底下不是那避雨處，你也養活不過我來，你與我一紙休書，我揀那高門樓大糞堆，不索買卦有飯吃，一年出一個叫化的，我別嫁人去也。〔正末云〕劉家女，你這等言語，再也休說，有人算我明年得官也，我若得了官，你便是夫人縣君娘子，可不好那。〔旦兒云〕娘子娘子，倒做著屁眼底下糞子，夫人夫人在磨眼兒裏，你砂子地裏放屁，不害你那口穢，動不動便說做官，投到你做官，你做那桑木官，柳木官，這頭端著那頭掀，吊在河裏水判官，丟在房上晒不乾，投到你做官，直等的那日頭不紅，月明帶黑，星宿瞞眼，北斗打呵欠，直等的蛇叫三聲狗拽車，蚊子穿著兀刺靴，蟻子戴著煙氈帽，王母娘娘賣餅料，投到你做官，直等的炕點頭，人擺尾，老鼠跌脚笑，駱駝上架兒，麻雀抱鵝彈，木伴哥生娃娃，那其間你還不得做官哩，看了你這嘴臉，口角頭銖紋，驢也跳不過去，你一世兒不能勾發跡，將休書來，將休書來。〔正末云〕劉家女那，先賢的女人，你也學取一個波。〔旦兒云〕這厮窮則窮，今覽古的，你著我學那一個古人，你說，你妳妳試聽咱。〔正末唱〕

〔快活二〕你怎不學賈氏妻只爲射雉如皋笑靨開。〔旦兒云〕我有什麼歡喜在那裏。你着我笑。〔正末云〕你不笑。敢要哭。我就說一個哭的。〔唱〕你怎不學子孟姜女把長城哭倒也。則一聲哀。〔旦兒云〕朱買臣窮叫化頭。我也沒工夫聽這閒話。將休書來。休書來。〔正末唱〕你則管哩。便胡言亂語。將我廝花白。你那些三個將我似舉案齊眉待。

〔旦兒云〕快將休書來。〔正末唱〕

〔朝天子〕哎。我罵你個匹夫。〔旦兒云〕你匹夫耐我甚麼。〔正末唱〕匹夫耐你個賤才。〔旦兒云〕將休書來。休書來。〔正末云〕這個歹婆娘。害殺人也波。天那天那。〔唱〕可則誰似你那索休離舌頭兒快。〔旦兒云〕四村上下老的每。都說劉家女有三從四德哩。〔正末云〕誰那般道來。〔旦兒云〕是我這般道來。〔正末唱〕你道你便二從四德。〔旦兒云〕你說去。是我道來。我道來。〔正末唱〕你敢少他一畫。〔云〕劉家女。你有一件兒好處。四村上下別的婦人都學不的你。〔旦兒云〕可又來。我也有那一樁兒好處。你說我聽。〔正末唱〕劉家女。你比別人家愛富貴。你也敢嫌俺這貧的忒煞。〔旦兒云〕你這破房子。東邊刮過風來。西邊刮過雪來。恰似漏星堂也似的。虧你怎麼住。〔正末云〕劉家女。這破房子裏。你便住不的。俺這窮秀才正好住。〔唱〕豈不聞自古寒儒。在這冰雪堂何礙。〔旦兒云〕你也不怕人嗔怪。〔正末云〕哎。天那天那。〔唱〕我本是個棟梁材。怎怕的人嗔怪。〔旦兒云〕你是一個男子漢家。頂天立地。帶眼安眉。連皮帶骨。帶骨連筋。你也掙鬪些兒波。〔正末云〕我和他唱叫了一日。則這兩句話傷着我的心。兀那劉家女。這都是我的時也。運也。命也。豈不聞不知命無以爲君子。則這天不隨人呵。〔唱〕你可怎生看着我掙鬪。〔旦兒云〕你也佈擺些兒波。〔正末唱〕你怎生看着我佈擺。〔旦兒做拿匾擔。拘繩放前科云〕則這的便是你營生買賣。〔正末云〕天那天那。〔唱〕我須是不得已。仍舊的擔柴賣。

〔旦兒云〕我恰纔不說來。你與我一紙休書。我別嫁個人。我可戀你些甚麼。我戀你南庄北園。東閣西軒。旱地上田。水路上船。人頭上錢。憑着我好描條好眉面。善裁剪。善針線。我又無兒女廝牽連。那裏不嫁個大官員。對

着天會罰願。做的鬼到黃泉。我和你麻線道兒上不相見。則爲你凍盡鰥婦二十年。須是你妳妳心堅石也穿。窮弟子孩兒。你聽者。我只管戀你那布襖荆釵。做甚麼。〔正末唱〕

〔脫布衫〕哦。既是你不戀我。這布襖荆釵。〔旦兒云〕街坊鄰里聽着。朱買臣養活不過媳婦兒。來廂打哩。〔正末云〕你這般叫怎麼。我寫與你則便了也。〔旦兒云〕這等快寫快寫。〔正末唱〕又何須去拽巷也。彼羅街。〔旦兒云〕你洗手也不會。〔正末唱〕我止不過畫與你個手模。〔云〕兀那劉家女。你要休書。則道我這般寫與你便乾罷了那。〔旦兒云〕由你寫。或是跳牆幕圈。翦柳擲包兒。做上馬強盜。白晝搶奪。或是認道士。認和尚。養漢子。你則管寫不妨事。〔正末云〕劉家女。我則在這張紙上。將你那一世兒的行止都教廢盡了也。〔唱〕我去那休書上朗然該載。

〔云〕劉家女。那紙墨筆硯俱無。着我將甚麼寫。〔旦兒云〕有有有。我三日前預准備下了落鞋樣兒的紙。描花兒的筆。都在此。你快寫。你快寫。〔正末云〕劉家女。也須的要個桌兒來。〔旦兒云〕兀的不是桌兒。〔正末云〕劉家女。你撥過桌兒來。你便似個古人。我也似個古人。〔旦兒云〕只管有這許多古人。你也少說些罷。〔正末唱〕

〔醉太平〕卓文君你將那書桌兒便快擡。〔旦兒云〕你可似誰。〔正末唱〕馬相如我看你怎的把他去支劃。〔旦兒云〕紙筆在此。快寫了罷。〔正末唱〕你你你把文房四寶快安排。〔云〕劉家女。我寫則寫。只是一件。人都算我明年得官。我若得了官呵。把個夫人的名號與了別人。你不乾受了二十年的辛苦。〔旦兒云〕我辛苦也受的勾了。委實的捱不過。是我問你要來。不干你事。〔正末云〕請波請波。〔唱〕你也索回頭兒自揣。〔旦兒云〕我揣個甚麼。是我問你要休書來。不干你事。〔正末唱〕非是我朱買臣不把你糟糠待。赤緊的玉天仙忍下的心腸歹。〔帶云〕罷罷罷。〔唱〕這梁山伯也不戀你祝英臺。〔云〕任從改嫁。並不爭論。左手一箇手模將去。〔唱〕我早則寫與你個賤才。

〔旦兒云〕賤才賤才。一二日一雙繡鞋。我是你家妳妳。將來我看這休書。咱寫着道。任從改嫁。並不爭論。左手一個手模。正是休書。〔正末云〕劉家女。這休書上的字樣。你怎生都認的。〔旦兒云〕這休書我家裏七八板箱。

哩。〔正末云〕劉家女。風雪越大了。天色已晚。這些時再無去處。借一領蓆薦兒來。外間裏宿到天明。我便去也。
〔旦兒云〕朱買臣想俺是二十年的兒女夫妻。便怎生下的趕你出去。投到你來呵。我秤下一斤兒肉。裝下一壺兒酒。我去取來。〔做出門科云〕我出的這門來。且住者。這廝倒乖也。他既與了我休書。還要他在我家宿。則除是怎的呀。我道是誰。原來是安道伯伯。你家裏來。朱買臣在家裏。伯伯你到裏面坐。我喚朱買臣出來。〔再入門科云〕朱買臣。王安道伯伯在門首。你出去請他進來坐。〔正末云〕哥哥在那裏。請家裏來。〔旦兒推末出門科云〕出去。我關上這門。朱買臣。你在門首聽者。你當初不與我休書。我和你是夫妻。你既與了我休書。我和你便是各別世人。你知道麼。疾風暴雨。不入寡婦之門。你再若上我門來。我搗了你這廝臉。〔正末云〕他賺我出門來。關上這門。則是不不要我在他家中。劉家女。你既不開門。將我這拘繩匾擔來還我去。〔旦兒云〕我開。噴這等道兒。沙地裏井都是俺淘過的。你賺的我開開門。他是個男子漢家。他便往裏擠。我便往外推。他又氣力大。便有十八個水牛拽也拽不出去。你要拘繩匾擔。你看。我打這貓道裏攪出來。〔正末云〕兀那婦人。你在門裏面聽者。你恰纔索休的言語。在我這心上。恰便似印板兒一般記着。異日得官時。劉家女。你不要後悔也。〔旦兒云〕既討了休書。我悔做甚麼。〔正末云〕劉家女。嚙兩個唱叫。有個比喻。〔旦兒云〕喻將何比。〔正末唱〕

〔三煞〕你似那碓硃石比玉何驚駭。魚目如珠不揀擇。我是個插翅的金鵬。你是個沒眼的燕雀。本合兩處分飛。焉能勾百歲和諧。你則待折靈芝喂牛草。打麒麟當羊賣。摔瑤琴做燒柴。你把那沉香木來毀壞。偏把那臭榆栽。

〔二煞〕那知道歲寒然後知松柏。你看我似糞土之牆朽木材。斷然是捱不徹饑寒。禁不過氣惱。怎知我守定心腸。留下形骸。但有日官居八座位。列三台。日轉千堵頭。直上打一輪皁蓋。那其間誰敢道我負薪來。
〔隨煞尾〕我直到九龍殿裏題長策。五鳳樓前騁壯懷。我若是不得官和

姓改。將我這領白襖衫脫在玉階。金榜親將姓氏開。勅賜宮花滿頭戴。宴罷瓊林微醉色。狼虎也似弓兵兩下排。水確銀盆一字兒擺。怎時節方知這個朱秀才。不要你插插花。花認我來。哭哭啼啼淚滿腮。你這般怨怨哀哀磕着頭拜。〔云〕兀那馬頭前跪着的是劉家女麼。祗候人與我打的去。〔唱〕那其間我在馬兒上醉眼朦朧將你來並不睬。〔下〕

〔旦兒云〕朱買臣你去了罷。你則管在門首唧唧噥噥怎的。〔做聽科云〕呀。這一會兒不聽的言語休。〔做開門科云〕開開這門。朱買臣你回來。我勸你要。嗨。他真個去了。他這一去心裏敢有些怪我哩。我既討了休書。也不敢久停久住。回俺父親的話。走一遭去。〔下〕

〔音釋〕

鉤音袍

阿何哥切

彤音同

搏詞纖切

捌聲卯切

白巴埋切

摑乖上聲

熬音酣

瓊

音模 電音薄

撓初銜切

醫音掩

巨音頗

德當笑切

畫胡乖切

煞音晒

闔音償

擔平聲

劉胡乖切

攛粗酸切

穢音武

秩音夫

擇池齋切

摔音洒

柏音擺

禁平聲

策釵上聲

色篩上聲

楔子

〔王安道上云〕老漢王安道。因爲連日大雪。不曾出去捕魚。只在家裏閒坐。却不知我那兩個兄弟可是如何。〔劉二公上云〕冰不搭不寒。木不鑽不着。馬不打不奔。人不激不發。我劉二公爲何道這言語。只因朱買臣苦戀着我家女孩兒玉天仙。不肯去進取功名。昨日着女孩兒強索他寫了一紙休書也。我暗地裏却將着這兩白銀一套綿衣。送與王安道。教他齋發朱買臣上朝取應去。若得一官半職。改換家門。可不好也。我如今往見王安道走一遭去。可早來到他家門首。安道哥哥在家麼。〔王安道云〕甚麼人喚門哩。我開開這門。我道誰。元來是劉二公。老的你那裏去來。〔劉二公云〕安道哥哥。我別無甚事。我家女孩兒問你兄弟朱買臣索了休書也。〔王安道云〕老的你差了也。想兄弟朱買臣學成滿腹文章。異日爲官。不在他人之下。爲何問他索了休書。〔劉二公云〕那裏是真個問他索休書。因爲他侵妻靠婦。不肯進取功名。只管在山中打柴爲生。幾時是那

發跡的日子。我着玉天仙明明的索了休書。老漢暗備下這十兩白銀。一套綿衣。寄在哥哥根前。等你那兄弟來辭你呵。你齋發他上朝取應去。若得一官半職。改換家門。認俺不認俺。哥哥。你則做一個大大的證見。〔王安道云〕老的。這個你主的是。等他來辭我時。我自有個見識。老的也。你放心的去。久已後他不認你時。都在老漢身上。〔劉二公云〕怎的呵。老漢回去也。〔下〕〔王安道送科云〕劉二公去了。朱買臣兄弟。這早晚敢待來也。〔正末上云〕小生朱買臣。自從與了劉家女一紙休書。我要上朝取應。不免辭別王安道哥哥。走一遭去。〔做見科云〕呀。兀那門首不是哥哥。〔王安道云〕兄弟。你來了也。請裏面坐。〔楊孝先上云〕且喜今日雪晴了也。我要去打柴。就順路看我安道哥哥去。〔做見科〕〔王安道云〕兄弟。你正來的好。一發同進去。買臣兄弟。你今日爲何面帶憂容。〔正末云〕哥哥。你兄弟與那婦人一個了絕也。〔王安道云〕你休了媳婦兒。兄弟。你如今可往那裏去。〔正末云〕你兄弟要上朝取應去。辭別哥哥來也。〔王安道云〕好兄弟。你若到京師得一官半職。改換家門。不強似你打柴爲生。只是你如今應舉去。可有甚麼盤纏。〔正末云〕正憂着這件。你兄弟怎得那盤纏來。〔楊孝先云〕我想哥哥學成滿腹文章。不去應舉。怎麼能勾發達時節。只是兄弟貧難。連自己餐活不過。那討一盤盤纏相送。如何是好。〔王安道云〕兄弟。你哥哥在這江邊捕魚。二十年光景。積攢下十兩白銀。又有新做下一套綿衣。都是我身後的底本兒。兄弟。你如今上京求官應舉去。我一發都與了你。一路上好做盤纏。久以後得官時。你則休忘了你哥哥者。〔楊孝先云〕這儘勾盤纏了。〔正末云〕若得如此。索是謝了哥哥。受你兄弟幾拜咱。〔做拜科〕〔王安道云〕兄弟免禮。〔正末云〕哥哥。今年也則是朱買臣。到來年也則是朱買臣。哥哥記着你兄弟臨行之時說的兩句話。〔王安道云〕兄弟。可是那兩句話。〔正末云〕哥哥。道不的個知恩報恩。風流儒雅。知恩不報。非爲人也。〔王安道云〕兄弟。我是個不讀書的人。你說的話。恰便似印在我這心上。我則記着知恩報恩。風流儒雅。知恩不報。非爲人也。兄弟此一去。則要你着志者。〔正末云〕哥哥放心。〔唱〕

【仙呂賞花時】十載詩書曉夜習。〔楊孝先云〕哥哥此去。必然爲官也。〔正末唱〕一舉成名天下知。〔王安道云〕兄弟。你哥哥專聽喜信哩。〔正末唱〕你是必耳打聽好消息。〔做拜別科〕〔王安道云〕兄弟。你小心在意者。〔正末唱〕休囑付小心在意。我可敢包奪的一個

錦衣歸〔下〕

〔王安道云〕買臣兄弟去了也。他此一去必得成名。我眼望旌捷旗。〔楊孝先云〕耳聽好消息。〔同下〕

〔音釋〕 搭音鬧 習星西切 息喪擠切

第三折

〔劉二公上云〕事要前思。免勞後悔。誰想朱買臣得了官。肯分的除授在俺這會稽郡做太守。我想來。他若說起這前情。俺可怎了也。我如今且着孩兒在家中。煎下那茆煊茶兒。烙下些椶頭燒餅兒。等張敞古那老兒來問他一聲。便知道個好友。這早晚。那張敞古敢待來也。〔正末扮張敞古上叫云〕策籬馬杓。破缺也。換那。〔詩云〕月過十五光明少。人到中年萬事休。兒孫自有兒孫福。莫與兒孫作馬牛。老漢是這會稽郡集賢庄人氏。姓張。做着個撚靶兒的貨。人見我性子乖劣。都喚我做張敞古。三日五日去那會稽城中打勾些物件。則見那城中百姓。每三個一攢。五個一簇。說道是接待新太守相公哩。我道我也看一看。怕做甚麼。無一時則見那西門骨刺刺的開了。那骨朵衙仗。水礮銀盆。茶褐羅傘。下五明馬上。端然坐着個相公。百姓每說看去來波。老漢也分開人叢。不當不正。站在那相公馬頭前。我不見那相公時。萬事都休。我見了那相公。不由我眼中撲簌簌的只是跳。你道是誰。原來是俺這本村裏一個表姪朱買臣。他今日得了官也。我是他鄉中伯伯哩。我叫他一聲。怕做甚麼。我便道朱買臣。倒不叫這一聲。萬事都休。恰纔叫了這一聲。則見那挺脊梁不着的大漢把老漢恰便似鷹拏燕雀。擎到那相公馬頭前。喝聲當面着我磕撲的跪下。爹爹。我老漢死也。我則道相公不知打我多少。元來那相公寬洪大量。他着我擡起頭來。我道老漢不敢擡頭。他道你爲甚麼不擡頭。我道我直到二月二那時。可是龍擡頭。我也不敢擡頭。那相公道。恕你擡頭。老漢只得擡起頭來。那相公認的是我張敞古也。那相公滾鞍下馬。在那道傍邊放下那栲栳圈銀交椅。着兩個公吏人把老漢按在那栲栳圈銀交椅上。那相公納頭的拜了我兩拜。拜的我個頭恰便似那量米的栲栳來大小。我道相公拜殺老漢也。那相公道。伯伯。你吃御酒麼。我道老漢酒便吃。却不曾吃什麼御酒。他道那個御酒是朝廷賜的黃封御酒。一連勸老漢吃了三鍾。他便道伯伯。你孩兒公事忙。不曾探望的伯伯。伯伯休怪。老漢道。不敢不敢。那相公上的馬去了。老漢挑起

擔兒。恰待要走。則見那相公滴溜的撥回馬來。問道。伯伯。王安道哥哥好麼。我說道快。楊孝先兄弟好麼。我說道快。他把那四村上下。姑姑姨姨。嬌子伯娘。兄弟妹子。都問道好麼。我說道都快。那相公撥回馬去了。老漢挑起擔兒。恰待要走。則見那相公滴溜的又撥回馬來。問道。那劉二公家那個妮子還有麼。我道相公你問他怎的。那相公道。伯伯你不知道。你見他時說你姪兒這般威勢。我道老漢知道。那相公上馬去了也。我挑起這擔兒往村裏來賣。老漢平生一世有三條戒律。第一來不與人作保。第二來不與人作媒。第三來不與人寄信。我待不寄信來。想着那相公拜了兩拜。道了又道。說了又說。這般怎的。呆弟子孩兒。漫坡裏又無人。見鬼的也似自言自語。絮絮聒聒的。你寄信不寄信也。只憑得你。張撇古。誤了買賣也。〔做走科叫云〕笨籬馬杓。破缺也換那。〔唱〕

【中呂粉蝶兒】我每日家則是轉幢波尋村。題起這張撇古那一個將我來不認。〔做走科叫云〕笨籬馬杓。破缺也換那。〔唱〕我搖着這蛇皮鼓。可便直至庄門。小孩兒每搯着銅錢兜着米豆。〔云〕三個一攢。五個一簇。都要子哩。聽的我這蛇皮鼓兒響處。說道張撇古那老子來了也。咯買砂糖魚兒吃去波。〔唱〕則他把我似聞風兒尋趣。若遇見朱太守的夫人。索與他寄一個燒的着燎的着風信。

【醉春風】你看我抖搜着老精神。我與你便花白麼娘。那小賤人。想着你二十載夫妻怎下的索你離。這妮子你暢好是狠狠。道不的個一夫一婦。一家一計。你可甚麼一親一近。

〔云〕這裏是劉二公家門首。搖動這不珣鼓兒。若那老子出來呵。我看幾句言語。我直着心疼殺那老子便罷。〔做搥鼓科叫云〕笨籬馬杓。破缺也換那。這個是那老子出來也。〔劉二公上云〕來了也。這不珣鼓兒響的是那老子。我出去問他一聲。〔做見科云〕拜揖。〔張云〕拜揖拜揖。我少你那拜揖。〔劉二公云〕快麼。〔張云〕快不快。干你甚事。〔劉二公云〕誰惱着你來。〔張云〕可不曾惱着我來。〔劉二公云〕老的也。這兩日不見。你往那裏來。〔張云〕我往城裏去來。〔劉二公云〕老的也。城裏有甚麼新事。〔張云〕無甚麼新事。一貫鈔買一個大燒餅。